

Sich de Himml uf der Erd verdient

Es hat schun immer bei de Schwoweleit gheescht: wer vill rumkummt, der heert un weess ach vill! Un in der heitich Zeit, wann mer vill rumkumme will, do brauch mer nor ins Internet gehen. Do is mer im Nu in de Banater Ortschafte, mer kummt gschwind iwer Land – sogar bis Amerika! Un in dem Internet han ich mol gelest, dass unser Großmutter sich de Himml uf der Erd verdient han, weil se sovill Zeit, Geduld un Ausdauer ufgebrung han, for ihre Kinner un Kindskinner, die Mädln natierlich, in Tracht zu werfe.

Un mer muss nor zruckdenke, wie des frieher war, wann e Großmädln nit nor eeni Tracht ghat hat, oder wann in eener Familie gleich zwaa oder sogar mehr Großmädle ware. Sie sin Sunntachs Morjets in der Kerchetracht zum Gottesdiensch, am Nohmittach in der Ausgangstracht zur Reih un am Owet in der Baaltracht ufs Baal gang. Ich kann mich erinnere, wie mei Oma verzählt hat, wie se die Trachte in der Nacht beim Eelicht un mitm Kohlebiegleise zurechtgeleet hat.

Ach mich un mei Schwester hat die Oma angezoo, awer nor an der Kerwei. Do war in der vordri Stub, alles parat uf de Better ausgebreet. De Hansl, sechs Unerreck, de in Falte geleete Owerrock, es Halstiechl, Himmit, Leiwln un Scherz. Mir han um 5 Uhr Morjets ufstehn misse, weil des hat gedauert, bis mer angezoo ware. De Owerrock is vore zugenäht gin un es Halstiechl vore uf der Bruscht iwer Kreiz geleet gin un die Zippe sin hinne ufm Buckl/Hinnre scheen iwer de Owerrock ausgebreet wore. Die geknippte Fransle han so akkurat leiße misse. Un aach am Halstiechl is genäht un genodelt gin, dass es sich beim Tanze nit verritscht. Wann dann die Reih an die Scherz kumm is, dann han mer alli erleichtert ufgschnauft.

Un die Prozedur han mer am Kerweisunntach zwaamol ausstehn misse. Weil, wann mer aus der Kerch kumm sin, hat die Oma uns ausgezoo, wieder alles scheen uf die Better geleet. Un noh em Mittachesse is vun vore anfang gin – weil beim Straussverletzetiware die Aue der Zuschauer noch schärfer.

Doch ganz frieher war mer dermit noch nit fertich. Die Frisur hat dann noch angstann. Do is gekambelt, geflocht, die Zepp geleet un mit eem Kambl ufgstoch gin.